



Publicaziuns officialas dils 21-02-2020

Damondas da baghegiar

Nr. 08/2020

Datum da publicaziun: 21-02-2020
Patrun: Herger Hans, 7175 Sumvitg
Liug e parcelas: Tschentanes; 6286
Object: construcziun d'ina annexa vid stalla

Nr. 12/2020

Datum da publicaziun: 21-02-2020
Patrun: Fry Paul, 7175 Sumvitg
Liug e parcelas: Via Vitg; 3165
Object: remplazzament dalla scala ed installaziun d'ina pumpa da calira

Nr. 14/2020

Datum da publicaziun: 21-02-2020
Patrun: Cajacob Georg, 7166 Trun
Liug e parcelas: Via Vitg; 1680
Object: colurar tetg, remplazzar igl esch ed ina finiastra nova

Nr. 15/2020

Datum da publicaziun: 21-02-2020
Patrun: Caderas Roman e Nicole, 7175 Sumvitg
Liug e parcelas: Quadras Su; 1776
Object: sanaziun tetg, nova finiastra e remplazzar esch

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 21-02-2020

Cumissiun da baghegiar

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 06/2020

Ovra Rein Anterior SA, 7167 Tavanasa; lavurs da manteinment vid lingias d'aua sin parcelas nr. 5043, 5049 e 5155 a Surrein-Val.

Nr. 07/2020

Gerhard Huwiler, 5630 Muri; nova cuvrada dil tetg dils baghetgs nr. 574B e 574D sin parcella nr. 4974 a Surrein-Chischnès Dado.

Sumvitg, 21-02-2020

Cumissiun da baghegiar

Inoltraziun declaronza da taglia 2019

Tuttas personas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2020** per personas cun activitad da gudogn dependenta, scolars, students, pensiunai, disoccupai.
- **30 da settember 2020** per personas cun activitad da gudogn independent, societads semplas e personas domiciladas ordeifer il cantun cun interpresas el Grischun.
- **30 da settember 2020** per personas domiciladas ordeifer il cantun cun immobilias en vischnaunca (obligaziun limitada da pagar taglia).

Impurtont

Las declaraziuns da taglia 2019 ein d'inoltrar sco suonda:

Administraziun da taglia dil cantun Grischun
Verarbeitungszentrum 1/KO
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar sco suonda:

- online: www.stv.gr.ch (Fristenerstreckung)
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673- per Sumvitg e 696- per Trun), num, prenum e vischnaunca da domicil.
- Ils termins concedi vegnan buca confirmai ed ein en general buca prolungabels. En cass singuls e motivai sa in ulterior termin excepziunalmein vegnir dumandaus.

L'allianza da taglia Trun-Sumvitg supplichescha da prender enconuschientscha da quellas midadas.

Ulteriuras informaziuns

Persunas che han buca retschert la declaronza da taglia ston tuttina ademplier lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier l'allianza da taglia Trun-Sumvitg (081 920 25 01).

Ils conjugals suttascrivan comunablamein la declaronza da taglia. Conjugals che vivan giuridicamein ed efectivamein en ina lètg nunseparada ein suttamein comunablamein alla taglia. Las entradas e la facultad vegnan summadas senza risguardar il stadi dils beins. Omisdus conjugals ein ella medema posiziun ella procedura e suttascrivan ensemen la declaronza da taglia. Sche la declaronza da taglia ei vegnida suttascretta sulettamein d'in conjugal, vegn la suttascripziun che maunca aunc pretendida.

Davart ulteriuras damondas stat l'allianza da taglia Trun-Sumvitg a disposiziun.

Sumvitg, 21-02-2020

Allianza da taglia Trun-Sumvitg

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 21-02-2020

Departament stradal

Meglieraziun generala da Disentis/Mustér

Vischnancas da Disentis/Mustér, Sumvitg und Tujetsch Inventarisaziun dal possess vegl

Appel d'annunziar tut las relaziuns giuridicas betg inscittas u betg inscittas cumplettamain

Sa basond sin l'art. 26 da l'Ordinaziun executiva tar la lescha da meglieraziun dal chantun Grischun (OEtLMG; DG 915.110) vegnan en il rom da l'elavuraziun dal possess vegl da la meglieraziun generala da Disentis/Mustér registradas tut las relaziuns giuridicas ch'existan sin ils bains immobigliars. Latiers tutgan er relaziuns giuridicas ch'existan, ma che n'èn betg inscittas u che n'èn betg inscittas cumplettamain en il register funsil. Quest appel vala sulettamain per bains immobigliars che èn anc betg impurtads en il register funsil federal. Il perimeter correspondent è visibels egl internet sut <https://www.geo-surselva.ch/projekt/disentis-grundbuchperimeter>.

Persunas che fan valair e che cumprovan relaziuns giuridicas che n'èn betg inscittas u che n'èn betg inscittas cumplettamain en il register funsil ubain che pon far valair vardaivlamain talas relaziuns giuridicas, vegnan supplitgadas d'annunziar quellas **fin il pli tard glindesdi, ils 23 da mars 2020**, en scrit (cun ina brev recumandada) a la Cavigelli inschigners SA, Via Sorts 27, Chascha postala 115, 7130 Glion.

L'annunzia sto cuntegnair las suandantas indicaziuns:

- ils bains immobigliars engrevgiads u autorisads resp. las persunas autorisadas;
- ina designaziun u ina circumscripziun exacta dal dretg pretendi (ev. cun ina skizza u cun in plan);
- il titel giuridic, sin il qual sa basa il singul dretg, resp. l'indicaziun, dapi cura che quest dretg vegn exequi cumprovadamain.

Annunzias che vegnan fatgas suenter quest termin na vegnan betg pli acceptadas.

*Uffizi d'agricultura e da geoinformaziun
Daniel Buschauer*

Gesamtmelioration Disentis/Mustér

Gemeinden Disentis/Mustér, Sumvitg und Tujetsch

Aufnahme des alten Bestands

Aufruf zur Anmeldung aller nicht oder nicht vollständig eingetragenen

Rechtsverhältnisse

Gestützt auf Art. 26 der Vollziehungsverordnung zum Meliorationsgesetzes des Kantons Graubünden (MeIV; BR 915.110) werden im Rahmen der Erarbeitung des alten Bestands der Gesamtmelioration Disentis/Mustér alle bestehenden Rechtsverhältnisse an Grundstücken erfasst. Dazu gehören auch bestehende, aber im Grundbuch nicht oder nicht vollständig eingetragene Rechtsverhältnisse. Dieser Aufruf gilt für Rechtsverhältnisse an Grundstücken, welche noch nicht ins neueingeführte eidgenössische Grundbuchsystem überführt worden sind. Der entsprechende Perimeter ist im Internet unter <https://www.geo-surselva.ch/projekt/disentisgrundbuchperimeter> publiziert. Personen, die Anspruch auf im Grundbuch nicht oder nicht vollständig ausgewiesene Rechtsverhältnisse geltend machen und nachweisen oder glaubhaft machen können, werden aufgefordert, diese **bis spätestens Montag, 23. März 2020**, schriftlich (eingeschrieben) bei der Cavigelli Ingenieur AG, Via Sorts 27, Postfach 115, 7130 Ilanz, anzumelden.

Die Anmeldung hat folgende Angaben zu enthalten:

- belastete oder berechtigte Grundstücke bzw. berechtigte Personen;
- genaue Bezeichnung und Umschreibung des beanspruchten Rechts (evtl. mit Skizze oder Plan);
- Rechtstitel, auf den sich der einzelne Anspruch stützt bzw. Angabe, seit wann das Recht nachweisbar ausgeübt wird.

Anmeldungen nach Ablauf dieser Frist werden nicht mehr aufgenommen.

*Amt für Landwirtschaft und Geoinformation
Daniel Buschauer*

Cumissiu da cultura

Chiara Concert a Rabius

La Cumissiu da cultura dalla vischnaunca da Sumvitg envida al concert dalla cantadura romontscha. Chiara, oriunda da Rabius, e sia band fuorman pli probabel l'emprema «girlband» romontscha. A Rabius presentan las giuvnas lur empram album da debut «da mesanotg» ch'ei cumparius la fin december 2019. Cun sia vusch ferma, mo era loma e stgira conta Chiara canzuns da pop cun character da sault che cuntegnan plinavon era elements da jazz. Il concert ha liug **ils 14 da mars 2020**, dallas 19.30 en la sala dall'ustria «Greina» a Rabius. Ei fagess plascher da beneventar giuvens e restai giuvens.

La Cumissiu da cultura dalla vischnaunca Sumvitg organisescha ina concorrenza da films cuorts.

Has ti gust da producir in filmet cun in cuntegn che interessescha tei, persuls ni cun collegas, amitgs ed amitgas ni en famiglia?

Cheu las indicaziuns impurtontas leutier:

Treis categorias:

12–15 onns/16–24 onns/carschi 25 onns ensiviars

Limitaziun dil temps: tschun minutas

Cun ni senza lungatg plidau

Premis: Ils victurs da mintga categoria survegnan mintgamai 300 francs. Ei dat era in premi en fuorma da daners per ils 2. e 3. rangai.

Organisatura e giuria: Cumissiu da cultura vischnaunca da Sumvitg

Datum d'inoltrar: **31 d'uost 2020** sin stick a Myriam Pelican, Via Plazzas 70, 7173 Surrein

Nus selegrein sin vossa creativitat.

Uniun da dunnas Sumvitg/Cumpadials

Nossa radunonza generala ha liug **sonda, ils 29 da fevrer 2020**, allas 20.00 en l'ustria «Cruna». Scadina commembra sco era commembras novas ein cordialmein beinvegnidas. Sin bien seveser *La suprastonza*

Las Zoclas Sumvitg

Prezias amitgs da tscheiver

Ils 21 da fevrer 2020 fagein nus tscheiver en vischnaunca. Nus sunein en suandonts loghens:

16.00 en Casa S. Giusep, Cumpadials

18.00 avon il Volg, Surrein

18.30 sin plaz Cadruvi, Rabius

21.00 sin plaz Cadruvi, Sumvitg

Nus selegrein da Vossa viseta. *Las Zoclas Sumvitg*